

養浩堂詩第二集卷一

羽前 宮島誠一郎栗香箸

庚辰元旦早朝赤坂離宮

日上扶桑第一山 宸宮高處拜

天顏旗章綵煥祥雲色春滿千門萬戶間

一月九日水明樓作

頭顱如此不堪搔對鏡偏驚見二毛官跡屢
遷心自得詩情雖減氣逾豪新年歌吹千場
酒十載悲歡三寸毫霜雪滿城春猶早梅花
與我獨爭高

送長岡成山君奉節使和蘭和留別韻
奉命西行辭

帝家星輅萬里向天涯
結交外國情宜厚
專對殊方論莫譁
旌節高標蘭北日
衣冠猶帶海東霞
使君此別無瞻戀
只負墨江三度花
暮春向島席上和張魯生副使韻

雨絲風片易魂消
墨水花飛春寂寥
今日與君來對酒
芳情未肯等閑拋

雨後春村 應制

父老欣々笑
幾回行者農事趁
晴催春林花

發牧牛睡南畝
風暄田畷來自古
躬耕勤稼穡為先
儲蓄備荒災須知
天意啟群蟄
昨夜東隅始有雷

養浩堂即事二首

迎雨梅方燠
送梅雨未晴
江城雲樹暗
終日子規聲

雨外明殘照
鐘聲隔嶺傳
歸鴉飛欲盡
點入蒼煙

同吉井三峰遊東叡山

蓋世功名不可期
此心唯我與君知
東山半

日來逃俗靜對僧房一局碁

暮春與妹婿保科氏及弟小森澤若玉
飲王子扇樓

清溪環四面足以滌塵襟世事浮雲去詩情
春水深花光搖檻角鳥影印潭心一笑呼朋
坐扇樓酒可斟

向島邂逅吉田杏陵

無人不去趁春晴向島櫻花雪樣明邂逅相
逢舊吟友梅見塚畔拾詩行

七月十六日飲八百松樓

醉餘倚劍吐光鉞八百松樓氣欲狂明月不
來天已晚墨江如墨彗星長

九月六日夜半舟過鴻臺下觀里見氏
古戰場適有客書少陵武侯廟詩於其
扇者用其韻作長句

關左雄圖何處尋鴻臺夜色氣蕭森導軍鳧
雁空留影捲浪鐘洲尚吼音縱有長江占地
利爭如主將攬人心扁舟吊古頻回首月白
風淒淚滿襟

吾鄉本以蠶業聞藩廢而後見鄉人益

勉其業家多敷富者賦之贈同好
十年為客故鄉歸城郭半非人未非衆拓陰
中三萬戶家、無處不鳴機

過先人草廬謹題一首

憶昔趨庭受教初嬉遊不讀聖賢書何堪四
十空頭白來掃先人舊草廬

舟下合海宿清川示吉井三峰

江流曲、水悠、兩岸青山一葉舟未到清
川三四里斜陽明滅櫓聲柔

山形栢山寺齋藤馬陵招飲遂宿

佛殿蕭、燈影殘經過林外已更闌與君同
宿栢山寺卧聽江聲到枕寒

米澤栗子山隧道新成此工劈嶮架谷
民力甚勤凡六閱年始克竣功今歲十
月二日

天子行幸親慰勞官民臣偕縣令三島通

庸奉迎

聖駕於栗子山感泣之餘謹賦一首

六年開鑿幾辛艱隧路新通嶮嶽閒至竟精
神動天地

鑾輿初幸羽州山

清龜樓聽琵琶

哀絃掩抑恨無涯
夜靜樓頭秋月斜
似否潯陽江上客
青衫淚濕聽琵琶

勝海舟畫贊

江左豪雄勝海舟
曾參帷幕贊謀猷
飄然高卧武城上
不屑安房萬戶侯

江東鷗夢樓餞秋月
古香挂冠歸日南
古香文名人所推服

本知筆陣掃千軍
不怪騷壇獨擅勲
關左風

流誰是主江東俊
逸久推君詞源倒似墨川
水文氣高於晃嶽雲交契
多年同把酒何堪此夕說離羣

初雪會晚香吟友墨東八百松樓

同雲黯澹天影低
雪花紛々日色迷
城中咫尺行人絕
戢翼午雞噤不啼
欣然驅車溼東去
飛絮黏地不成泥
身披鶴氅覺猶冷
瓊樓玉樹望中齊
長安酒價不憂貴
潤入田畝鬆鋤犁
預卜明年歲稔熟
穀豐酒釀歡群黎
寶塔鐘沈淺草寺
旗亭燈上小梅溪
瑞雪歌成

人銘酊不知簾外風淒淒

壬午三月送清國星使何君子峩任滿
歸國

星槎遠駕東海濤喜君奉使專節旄清和兩國結盟約君於此際宣勤勞捧書來謁紫宸殿春雲藹人垂

御袍禮成已見使臣節誼洽宜承

皇帝褒卽今亞洲氛祲惡猛鷲摩翮豺狼嗥唇齒相持事非易脫佩欲贈日本刀駐京四載初解職離筵縱酒頻揮毫書訝雲龍躍出

水詩疑海鶴清鳴臯天賦奇才奪造化果知君是人中豪曾自南方舉進士追逐韓柳參翔翹潮州鮫鱷長退避庾嶺梅花爭孤高天下如君未多見此別最覺心鬱陶君今歸國兼省覲海若護舟風斂號南極星輝照華宴瑤池果熟斟香醪仙遊咫尺路非遠蓬萊直待騎鯨鼇歌成贈君人和我瓊瑤之報慚木桃

江東中村樓餞何星使黃參贊歸國

江樓把酒送君回墨水連天帆影開五載交

遊歡未盡一朝離別恨難裁手攀兩國橋邊
柳思寄羅浮嶺下梅聞說海南鴻雁少不知
書信幾時來

黃參贊公度與余交莫逆其將回國賦
留別辭五章見示因和其韻以贈

渤海初浮星使舟知君參贊果名流五年帷
幕紆籌策萬里江山縱勝遊文酒唯須脩舊
好戈矛何敢賦同仇明朝又向南洋去一舉
鵬搏大地球

夙以文章呼俊豪連城有價格尤高老成方

見波瀾妙結構須知根底牢勁比穿巖李廣
鏃快如剪水井州刀駑駘難及追風駿把筆
逡巡鬣獨搔

幸然文字結竒緣衣鉢偏宜際此傳霞館秋
吟明月夜麴街春酌早櫻天佳篇上梓人爭
誦新史盈箱手自編恰愛過江名士好翩翩
裙屐若神仙

自昔星槎浮海到看他文物盛京華相將玉
帛通千里可喜車書共一家使客縱觀新制
度詞人爭賞好櫻花墨江春色東台景分與

天工著意誇

莫說天涯与地垠
電機通信意相親
連衡畫策希與亞
唇齒論交貴善隣
十室由來猶有士
中原到處豈無人
期君早遂經時志
海陸兼營兩火輪

三月十四日送叅議春畝伊藤伯奉命

之歐洲二首

十年當軸政新成

帝賜褒書海外行
一氣洪鈞隨物化
上台星象照文明
鹽梅夙具和羹手
輔弼須期補衮

名爲是使君威望重
遠洋風穩浪無聲

豐葦原開兵馬豪
蓮峰獨立碧天高

神皇一系王風遠
瑞穗千秋國脈牢
初日晴

輝東海鏡藪雲長
護熱田刀隨波唯恐歸西

極爲鎮靈山戴巨敖龜

飲東野男爵元田侍講
鶯花富貴堂和

主人韻

倚水名園坐夕陽
綠陰幽靜好移床
鶯花富

貴春常足詩酒交
遊筆不荒歡飲唯當酬

聖世放歌何用唱
滄浪飲君講幄餘清暇
延

儔 濤

見嘉賓興味長

金杉消暑

雲色黏遙嶼潮聲落晚汀
振衣人近海颿影
上窗櫺

金杉酒樓同清國出使隨負張導岷及楊惺

吾弟小森澤君王飲和導岷韻

佳勝推金海好為消暑遊交歡非一日
賓主是同洲月色不知夜濤聲高似秋
與君吟且飲此興孰能儔

養浩堂即事

廿六年三月廿八日同書在東京

日暮秋風起長天雲忽飛柴門人不到
明月送清輝

湖心亭姚子梁邀飲此夕七月既望

一味新涼秋信通湖心亭子晚多風
湘簾四卷燈光動人面荷花相映紅

一從貶竄謫黃州二賦千秋赤壁遊
邈矣坡公莫由見楚雲湘月海西頭

此中天地似蓬壺紅藕花開秋滿湖
底事微雲掩明月白銀宮闕有如無

朝鮮人尹雄烈及其子致旻來訪談及

虎獵賦示

談及獵遊呼酒卮鬚髯張戟見雄姿一聲裂
石陰風動長白山頭射虎時

中秋飲吉井氏高輪新樓

水輪出海淨無煙千里金波水接天幾度中
秋同對酒故人今月兩依然

秋夜偶成

人定三更下砌行碧梧浮月露華清秋未欲
覓渾無處只有蟲鳴似雨聲

養浩堂小集近伊地知一柳吉井三峰

西伯草堂酒間揮毫為賦

紫微花落桂花開月下沈吟對酒杯秋氣襲襟風
似水故人与夕惠然來

十月十三日招清國公使黎統齋君於紅
葉館答書有晴則赴雨則不赴之語為有此
作

滿城秋色菊花香折簡相邀把酒觴半雨半晴紅
葉館惱人天氣近重陽

十月二十日黎統齋君為登高會於東叡山
因賦之此日當重陽

車書本喜兩家同相會一堂杯酒中名士交游無
俗態使君舉止有儒風文雄力足扛台鼎詩麗才
堪鬪錦楓今日登高秋色好海天凝睇送飛
鴻
重陽詩酒一歡同異域嘉賓在眼中不負皇華歌
使者且將佳節醉秋風籬邊脫帽先尋菊林下
停車坐愛楓此地明年應再飲憑君休說雪泥
鴻

十月廿二日同清使隨負姚子梁友人小牧櫻
川小田切貴園弟小森澤君玉飲深川松茂

堂余嘗醉此堂屈指今十七年矣

豪竹哀絲憶昔遊池臺非復舊風流樽前難止無
窮恨花易凋殘人白頭

紅粧佑酒儘豪遊誰比楊州第一流唱到當年舊
歌曲絃聲淒咽易低頭

十一月二十日同日本鐵道會社社長吉井三
峰伯觀新造鐵道於川口西鄉農商務卿亦
自群馬縣至遂同乘到桶川川口至桶川其
間線路可八里凡閱五月而成工事迅速令
人驚歎七年以前余同三峰遊上毛檢小坂

鐵礦君告予曰西哲有言天下唯與火耳苟
使鐵業振起則國家何患不富強今也鐵道
就緒駸々然日進東北料不十年此業必當
大成余欣三峰之言將有驗於今日又益願東
北人民宜共奮勵從事速成大功以謀家國富
強則賦五章示伯并贈同好云

鐵路工成川戶東車輪奔駛疾于風富山如揖
先笑毛野藏原一瞬中

與君曾檢毛山鐵今見藏原架火車此道直當通
北海莫疑遐域被皇華

天下物唯鐵火耳能為其事即英雄富強一
語君曾記儻出西人肺腑中
八里鐵成五月間經營原不說辛艱何時更
進東方步一路雲開奧羽山
先民獎勵是純忠
帝賜優言寵命隆衆庶從今知永賴厚生利
用一人功

養浩堂詩二集序

日本宮島栗香曾上書脫藩主之厄極二州之危老夫得覽其書愛其陳情指事宛轉周摯曰有辭若此誠可以解結釋紛矣已又丐經方來乞序其詩余則曰詩固有異術耶若取其陳情指事宛轉周摯者即優為之耳難狀之情與難處之事孰難筆力足以白難事猶尚患情之難狀哉故老夫讀其書而知其詩矣老夫行年七十詞章少年之業久置不省獨聞忠義之士則意氣奮發不殊少時不

養浩堂詩集 卷一
以異邦而有間也日來氣象頗好遂書此遺
之光緒十七年九月合肥老人李鴻章

養浩堂詩第二集序

余昔嘗從曾文正公遊文正具知人之明號
為得士有一材菽之能者無不爭炫鬻於其
門而非常奇偉之才頗聞出於其中方其在
安慶時逋寇未盡平也而識者有以卜其詩
書之氣必能靖禍亂而致太平金陵克復又
一聚之江寧余因得盡交其賢豪長者一時
朋好之樂以為雖古今人才之會未數然
也文正既沒曾不數年人才亦散之四方或
老病且死余漠然無所嚮乃走海外數萬里

之歐羅巴獨居深贖求所謂朋好之樂者渺不可復得既六年而奉使日本日本與吾同文國也東京又為人才淵匯首因栗香以交其國人後遂狎而求之如歐陽子所交石曼卿者久之遊契日廣及余再至與國人益習而適又幸無事於是上自公卿大夫下逮布衣野老之倫往來歌吟嘯呼詩酒淋漓酣恣而不厭其視在江寧時殆將有以稱之余又以得朋好之樂於異國為足慶也然余與栗香交十年栗香嘗守介不妄求合其位雖不

顯所交多端人正士必盡栗香所與而後於士無恨栗香之介余之博愛亦其居地使然歟余又以謂日本古多豪俠磊落之士其風俗感慨而悲歌與燕趙相類也栗香有室曰養浩堂余嘗登其堂二人者傲然無復畔岸於天下事知無所不言，無所不罄其於亞洲天時人事地理之故亦籌之悉矣栗香喜為詩然不常作余不善詩栗香數強余為之故其後集中吾二人倡酬之作倍於他人而栗香更謙下每有作必使余竄定頗有糾繩

栗香不余逆也今年冬余將歸國乃喪集庫
辰以還所作為三卷屬余曰為我序之夫栗
香之前集余既已贅辭矣今又何言獨吾二
人者之與遊至密無閒其交誼不可終闕而
余前序所云由語言文字之微以進於捐故
蹈道之實者其言至今浸驗嗟夫栗香雖不
自以詩名而讀其寄懷諸篇若伊香溫泉之
遊墨江月夜之興豪蕩綿邈亦足以知其胸
次所存矣

大清光緒十六年十二月遵義黎庶昌